

四庫全書

史部

欽定四庫全書

硃批諭旨卷一百三十六

硃批鍾保奏摺

雍正三年十二月二十一日甘肅布政使

臣

鍾保

謹

奏為敬陳末議伏候

聖裁事竊

臣

荷蒙

皇上溫綸屢降

特授甘肅布政使自奉

命入境見山地多未開墾及問百姓俱云明末兵荒之後人民逃散於順治七八年間經督撫具題奉

旨免賦之山地也自經蠲免之後悉為豪強霸占無人開墾則任其荒蕪一有人耕則蜂起控爭經年不結所以小民深畏拖累之苦任其荒廢據臣愚見伏乞

皇上敕下督撫轉行州縣查明各屬荒山數目有無管

業如果有人管業之產請以文到日為始予以一
年之限即著本人照數開墾如係無人管業之產
聽候地方官召募開墾如有人管業而無力開墾
者亦聽候地方官召募開墾若有前項霸占情弊
許地方官從重治罪其各州縣每年開墾若干數
目歲終造冊報明督撫轉行達部具

題若地方官有開墾最多者照例議敘以示獎勵至
於開墾之地亦照例陞科納賦如此則無業小民

亦有恒產雖逢歉歲亦必依戀其產而不致逃散
四方矣應否舉行伏乞

皇上睿鑒謹

奏

此奏似屬有理然不可輕率舉行甚有干係况爾甫經
蒞任一切利弊或未必周悉可再詳細察詢的確與撫
臣石文焯及李元英斟酌妥議緩緩奏聞候朕裁定

雍正四年二月十六日甘肅布政使

臣鍾保謹

奏為奏

聞事竊

臣

抵任後即將司庫錢糧細加核查自前司折

爾金任內起至署司陸賜書任內止應實在銀五

百二十九萬二千七百一十二兩零錢五十三千

九百二十七文內除實存庫銀二十五萬五千九

百六十九兩零並折爾金任內已經審明未完虧

空銀二十萬七千七百六十九兩零又

題明各隨本案歸結勒追賠補銀二十七萬四千二

百八兩零又各官捐俸未還銀五萬八十九兩零其從前正署各官借支過各鎮協營俸餉州縣衛所官役俸工并各驛夫馬工料等項銀共二百九十六萬八千五百五十九兩零原係估撥額設應給之項但定例季首掛領滿支季終扣除缺曠作正查自雍正二年至三年各官任內均未扣清缺曠作正至今錢糧不清又各案因公動用未撥還項銀一百五十二萬七千二百二十六兩零查因

公動用即應請撥還項乃從前各官俱置之不問
至今庫項虛懸又折爾金傳德彭振翼等任內共
借出銀八千八百八十九兩零查此項銀兩俱係
任情私借並非應給之項臣以庫帑關係重大業
經逐款核查除將各項分析造冊詳報督撫

題叅外臣不敢絲毫隱諱合先據實奏

聞謹

奏

凡百俱當據實無隱為是可與石文焯同心合力察覈清理但能恪秉一公天下無不可為之事也

雍正四年二月二十六日甘肅布政使

臣鍾保謹

奏為恭謝

天恩事竊

臣

封非庸材微末下吏荷蒙

皇上不次超遷實為逾分今又蒙

恩命

臣

暫往西寧倘有青海事務會同總兵官黃喜林

公同商議料理

臣

於二月十四日接奉部文即於

十六日起程二十日到西寧恭設香案望

闕叩頭謝

恩任事訖再

臣

自蘭州至西寧一路經過地方細問百

姓俱云雨雪應時土膏滋潤正好及時耕作此皆

聖天子軫念蒼生至誠感召之所致也所有穀麥豆子

現在播種將來秋收必獲大有

臣

不勝額手稱慶

合併奏

聞謹

奏

覽奏深慰朕懷每敬睹

上蒼示感地方之雨暘無不立應實覺呼吸可通固繫朕之竭誠修省亦賴爾等撫藩大吏實力仰體能暢遂兵民之心以敬迓

休徵也萬不可高興縱恣

雍正四年十一月初七日甘肅布政使

臣

鍾保謹

奏為遵

旨覆奏事竊臣為敬陳末議一摺蒙

皇上硃批

臣

跪誦之下感悚交集伏念

臣

甫經受事利

弊尚未周知冒昧陳

奏輕率之咎實所難辭荷蒙

聖德優容

命

臣

與石文焯等商酌緩奏

臣

遵即與撫

臣

石文焯按

察使

臣

李元英細細商酌查得雍正元年四月二

十六日奉

上諭國家承平日久生齒殷繁開墾一事於百姓最有裨益凡有可墾之處聽民自墾自報地方官吏人等不得勒索阻撓欽此此誠

皇上重農務本為億兆謀衣食之源而普天蒼赤之衆亦應各自為謀前撫臣奉到

諭旨遵即通行各屬實力勸諭現據臨鞏平慶甘涼等六府申報共開墾過荒地一百七十三頃零其寧夏西寧二府現在節次曉諭開墾但甘屬遠處邊

陞山多地少田土半在山腰且經明季兵燹之後
民逃地荒管業無人亦無版籍可稽其現有業主
者因山地磽瘠有間年播種者又有陡坡沙碛難
於樹藝者又秦俗皆以畜牧為生多有留為畜牧
之場者此外凡有可墾之地業經催令地方官欽
遵

諭旨勸民開墾不許勒索阻撓如有豪強捏券冒認霸
占爭訐者照例從重治罪其陞科議敘悉遵照雍

正元年四月內原奉

諭旨遵行將見未闢之蒿萊漸成沃壤而無業之窮黎

咸沾樂利矣相應遵

旨覆奏伏乞

皇上睿鑒施行謹

奏

此事言之似易行之實難必得賢能有司設法勸導逐
漸開墾庶幾有效全在爾等地方大吏選擇屬員勤加

督課徐徐次第而為之也勉之

同日又

奏為奏

聞事竊

臣

前詳估駐寧滿兵糧草一事理應仰體

皇上一視同仁之意將寧夏每歲額徵本色糧草分給
滿漢兵丁其不敷之處亦應均勻折價採買使滿
漢兵丁同沾

聖澤乃

臣

一時識見短淺辦理未當咎實難辭荷蒙我

皇上逾格隆恩宥

臣

愚昧令

臣

將滿兵糧草管理採買

臣
恭奉

聖諭仰見

天恩浩蕩沛澤無私

臣

接奉部文之後隨於八月二十

二日赴寧督同地方官採買各官無不踴躍輸誠

願為分辦陸續採買供支俾駐寧滿漢兵丁普沾

我

皇上如天之仁嗣因時屆支放營驛冬季俸餉在即不

便久羈寧郡於九月十一日回蘭支放旬日

臣復

兼程至寧查得前項糧草其九月以前俱經放訖其十月糧草俱已買齊現在支放其以後糧草陸續採買供支不致貽誤

臣復因武闡

大典理應入場提調除採買事宜交地方各官辦理外

臣

復於十月十二日回蘭至於甘肅通省收成

據各屬呈報俱有九分十分人民樂業共慶盈寧

合併繕摺奏

聞謹

奏

聞秋季糧草支放之期已覺稍遲爾前到寧夏即能備辦無誤耶據實奏明

寧夏知府能勝其任否

雍正五年正月十二日甘肅布政使

臣鍾保謹

奏為遵

旨據實奏

聞事雍正五年正月初六日臣家人齎捧臣前奏採買

寧夏滿兵糧草一摺至署奉有

皇上硃批諭旨臣跪讀之下惶悚無地蒙我

皇上天高地厚之恩不加譴責令臣據實具

奏臣不勝感激涕零謹將採買支放過緣由據實陳

奏竊臣於雍正四年七月初二日接督臣岳鍾琪奉

到管理採買部文隨即飛檄寧夏知府卜瑗水利

同知王佩璉會同採辦外臣思奉到部文已屆七

月轉行寧夏地方官採辦又需時日至八月支放
之期為日無幾恐有遲誤之虞請將八月分糧草
暫支折色等情咨呈將軍臣席伯等去後續准將
軍等照會內稱七月分糧草已照舊支領折色訖
其八月分糧草關領之期已屆不便支領折色等
因前來臣恐有誤於八月二十二日起程至二十
九日到寧夏於臣未到之先八月分糧石已經放
完其草束因陳草缺少新草未收地方各官現在

各處採買至九月初旬方得支放臣一面嚴催採

買一面將此情由回明將軍據席伯等面云此時

新陳不接原難採買若於九月初旬得草亦不遲

誤如此說明臣於九月初四日起程回蘭至十八

日復准將軍等十三日發行來文內稱八月分草

束至今尚未支放行催前來臣甚是驚惶隨又於

二十日星速赴寧其八月分草束業於九月十六

日放起至二十日放完其九月分糧草於二十五

日放起至十月初三日放完臣即起程回蘭其十月十一月十二月糧草已經按月供支訖所有秋季少遲緣由謹據實奏

聞再寧夏知府卜瑗老成謹慎勉力辦事但寧夏係邊陲要地兼西寧肅州往來衝途又有駐防官兵卜瑗才非肆應恐不能勝任理合遵

旨奏覆謹

奏

所奏知道了嗣後類斯些小掩飾俱屬不可一涉欺隱
即開巧偽之端何弊不因此而漸滋耶內外臣工咸能
據實無欺吏治何有不清天下從此大治矣爾等撫藩
大吏表率一方惟以正己察吏為第一要務若以柔懦
詭隨為和平安靜借此以取容沽譽於當時則流為國
家之大蠹妨政敗俗莫此為甚是乃姦猾小人之行徑
夫豈忠良大器之存心切記切記朕今竭力整剔者此
等陋習也勉為之爾試思苟且依違博作姦犯科小人

之稱頌與剛方正直得勵精圖治人主之歡心其間孰輕孰重孰得孰失耶從來邪正是非積福作孽只爭此公私一念可不凜惕而慎勉乎特諭

雍正五年閏三月初十日甘肅布政使

臣

鍾保謹

奏為奏明護理巡撫印信日期事雍正五年閏三月

初六日巡撫

臣

石文焯因奉

旨前往四川觀看會審程如絲一案所有巡撫關防并

王命旗牌委員齎送交

臣

護理

臣

隨恭設香案望

闕叩頭暫行護理另疏具

題外竊

臣

一介庸愚茫無知識當此重任更深悚惕

惟有竭盡駑駘益加勉力以圖仰報我

皇上天高地厚之恩於萬一耳謹將護理撫篆日期繕

摺奏

聞謹

奏

勉之慎之觀爾頗有瞻前顧後沽名博譽行徑果如此

不但深負朕恩抑且自棄此等心行虛偽淺鄙何能造就成大器也有人言爾向來秉性即係如此豈其然乎
亟當警省悛改

同日又

奏為祇遵

聖訓恭謝

天恩事竊

臣

家人回署齋捧

臣

據實覆奏採買寧夏滿

兵糧草一摺奉到

皇上硃批

臣

跪讀之下感激涕零惶悚無地伏思

臣

何

人斯蒙我

皇上格外優容

溫綸訓誨

臣

敢不洗心滌慮以竭犬馬之誠嗣後惟有

欽遵

聖訓以圖仰報

聖恩於萬一耳為此繕摺

奏謝

天恩謹

奏

但恐言之諄諄聽之藐藐訓誨雖在朕能行與否則在爾之勉與不勉也

雍正五年五月二十九日護理蘭州巡撫印務布

政使

臣

鍾保謹

奏為恭報雨水田禾情形仰慰

聖懷事竊查甘屬地方今歲正二兩月雨雪調勻至三

月及閏三月八府屬報稱得雨多寡不等亦竟有
未得雨者臣隨虔誠祈禱嗣據平涼慶陽鞏昌寧
夏四府各報稱四月內得大雨二次即三月內未
得雨之州縣亦俱四野霑足又據甘州涼州西寧
三府報稱雨澤雖未充足俱有渠水通行可資灌
溉惟臨洮一府四月內缺雨今於五月十六日得
雨一晝夜十八日又得雨一夜四野霑足又據西
寧涼州兩府俱報十六等日得雨霑足併據甘州

府屬亦各報到五月初三四等日得雨約計八府屬雨水俱各有七八九分不等其從前缺雨之處夏麥雖間有微傷一二處其餘俱可望收成秋禾已種者發生滋茂未種者得雨之後播種發生至肅州以及赤金靖逆等處春間雨雪雖少入夏渠水頗足夏麥亦屬無恙所有甘屬地方五月以前雨水田禾情形理合繕摺奏

聞謹

奏

爾類庸常之流職守地方收成自應中平若鄂爾泰田
文鏡優等督撫所治地方則蒙

上蒼嘉賜十分年歲此亦自然之理

同日又

奏為恭繳

硃批奏摺事竊

臣

家人於本年五月初七日捧到

臣

前

奏明護理巡撫印務日期事一摺又祇遵

聖訓等事一摺奉有

硃批

臣

跪讀之下悚惶無地感激涕零伏念

臣

何人斯

蒙我

皇上歷

賜恩綸訓誨俯望成人

臣

雖愚昧無知何敢苟安自棄

惟有恪遵

聖訓朝夕警省痛改前非以圖仰報我

皇上天恩於萬一耳所有原奉

硃批奏摺理合恭繳謹

奏

凡事言之易行之難而改過為尤難總在汝肯奮勉與否耳便能沽名釣譽令内外一口讚揚爭奈朕不喜巧詐何衆人造福尚在未然朕之加禍已先及矣如法敏楊名時鄭任鑰裴率度張楷伊都立皆是榜樣也勉之慎之

硃批諭旨卷一百三十六

欽定四庫全書

硃批諭旨卷一百三十七

硃批孫國璽奏摺

雍正六年二月初十日浙江杭州府知府臣孫國

璽謹

奏為奏請

睿鑒事竊臣至愚極陋備員州縣於雍正四年八月引
見幸荷

皇上簡授開封府知府曾面奉

諭旨准臣摺奏臣跪聆

天語感激無地緣抵開封府任未及一月復奉

旨調補杭州府知府自到任以來夙夜奮勉極圖報效

幸在省會凡一切地方事宜俱就近詳稟督臣李

衛商酌辦理臣不敢稍存偏私之見故未曾冒昧

具摺上瀆

宸聰今蒙

特旨補授福建汀漳道聞

命之下曷勝感戴惶悚伏念閩省山海交錯民風刁悍

積習相沿吏治怠弛早在

整飭

地方事務要當循分盡職莫以為難而畏縮不可

皇上洞鑒之中

臣知識愚淺膺斯重任益切惶恐伏祈

輕視

而忽畧以一誠對越

恩賜

訓諭指示俾臣恪守遵行至臣現在趕辦交盤俟

地神

明無往而不可何事不克辦集耶勉之

署府調到查清之日即星馳赴閩為此謹

奏

朕但知為入之道端本為是逐末為非至於內外居官

法則朕未身歷一事縱有所聞亦自信不及仍是從前面訓之旨汝果肯敬奉力行一生用之不盡莫移初志勉之密奏事件遵照前諭仰副朕意毋違

雍正六年十一月初三日福建臺灣道臣孫國璽
謹

奏為奏請

睿鑒事竊臣於雍正六年正月奉

旨補授汀漳道臣隨恭繕摺

奏欽奉

硃批臣跪讀之下惟有實力遵奉不敢稍移初志復奉
勉力為之極宜自加珍重爾將來可望大有成就切勿
特旨調補臺灣道臣何人斯膺茲海疆重任臣益當勉
虛負朕恩但能務不欺隱三字諸凡無不協矣勉之
效犬馬以仰副

簡任之殊恩臣自本年七月十三日抵汀漳道任於八
月十二日奉督撫調赴署理按察司事至十月十
八日交印卸事現在星馳臺灣受事其閩省利弊
就臣一得之愚敬另具摺奏

聞至臺灣事宜容臣到任之後詳悉察訪確實倘有應奏之處再行恭繕摺

奏所有原奉

硃批奏摺理合恭繳謹

奏

今已將爾調任鹽驛道所奏二摺事宜到省時面與督撫臣共相商酌妥議奏聞至於嚴定聚衆處分朕意可以不必但遵循現行則例不寬縱市恩瞻徇沽譽一一

執法不撓人亦自知警懼假若處分倍嚴而奉行不力
徒歸怨於朕而已於事未見其益總在爾等詳細籌畫
具奏如應具題稟明督撫會題可也其催徵民欠之奏
今朕業經寬免可無庸議

同日又

奏為敬陳下悃仰祈

睿鑒事竊臣於雍正四年八月引

見之日得蒙

天語垂問臣母年紀臣跪對之下面奉

諭旨俟臣母八十歲令臣預期

奏請

頒賜扁額欽此欽遵是臣母之叨

光榮者至優至渥有生之日皆

聖主恩賜之年臣茲奉

命調臺伏查臺灣諸臣無帶眷之例況臣母年老龍鍾

勢難航海現在寄居漳郡臣遠隔重洋職任地方

不敢擅離伏懇

皇上憫念臣母孀節所生只臣一子

恩准臣於一歲之中回漳省視一二次仍即馳赴地方
辦事俾臣公私得以兩全皆荷

皇上之弘慈臣不勝銜結瞻戀之至謹

奏

覽汝奏請朕甚嘉悅已另有旨矣

雍正七年四月十一日福建臺灣道臣孫國璽謹

奏為

聖恩之高厚難名仰申微臣謝忱事竊臣於本年二月十一日接蒙撫臣牌行准部咨開雍正六年十二月十一日內閣交出

上諭一道到臣蒙

皇上天恩念臣母年老母子相依至情將福建鹽驛道劉藩長調補臺灣道以臣調補鹽驛道俾臣得以晨昏奉侍聞

命自天感激無地又於本年二月十五日准臺灣鎮臣
王郡家人恭捧

皇上欽賞到臣復准王郡宣傳

硃批諭旨爾可傳旨與孫國璽亦令伊奏摺不必特遣
人來或隨巡臺御史奏摺之便或送交該督撫轉奏
欽此欽遵臣跪聆

聖諭恭設香案望

闕叩頭謝

欽定四庫全書

硃批諭旨

六

恩祇受伏念臣何人斯蒙

皇上特恩格外陞遷俾得遂侍養之私悃復荷

錫賚便蕃

賜以上方珍品是臣母子之荷

曠典者誠千古所僅見也涕泗感激鏤心刻骨惟有益

矢公忠勉竭犬馬以仰報

高厚於萬一耳惟是臣既蒙

聖恩特調鹽驛道則非遠隔海洋嗣後倘有

既在內地仍應照前為是或乘便交督撫轉奏亦可但
奏摺可否交督撫臣轉奏或仍遵從前
恐督撫猜嫌謂汝有意挾制上司耳
諭旨送怡親王轉奏伏懇

聖諭遵行所有臣感激私衷理合具摺

奏謝伏乞

睿鑒謹

奏

覽

雍正七年十月初六日福建按察使臣孫國璽謹

奏為恭謝

天恩仰請

准臣引

見事竊本年六月二十四日新任臺灣道臣劉藩長抵任臣交代清楚隨即起程於閏七月初三日抵省稟明督撫二臣給假赴漳迎母就養復奉

聖恩特擢臣福建按察使臣聞

命之下感激惶悚莫可名狀惟有竭盡愚忱實心實力

恪供厥職以圖仰報

高厚於萬一但念臬司為通省刑名總匯臣智庸識淺
膺斯重任非仰賴

聖明指示曷克遵循伏乞

皇上念臣愚昧

恩准赴部引

見俾臣得恭覲

天顏跪聆

聖訓凡事遵照敬謹辦理庶免隕越不特於地方民生

有益而微臣戀

主之心亦得稍遂矣為此謹

奏

凡為臣子者惟當勉一公誠事事無欺無隱與君上一
德同心為要朕因觀汝可成大器所以不次擢用諒汝
必不忍負朕也雖然每遇與汝共事之同寅上司人等
偶一言及未有不稱道汝者朕少涉疑料汝必由俯仰

浮沉取悅干譽之所致今果然矣朕深為之寒心如蔡
仕舛浼汝轉託程元章一事在他人尚不肯欺隱而據
情奏聞於朕不知孫國璽具何肺腑竟能隱忍而欺朕
似此不明大義不別重輕卑陋鄉原小人之形態豈能
受朕知遇之人物耶殊大失朕之期望矣

雍正八年二月十二日山東布政使臣孫國璽謹
奏為恭謝

天恩懇請

聖訓事竊臣奉

特旨補授福建按察使未及三月又蒙

特恩陞授山東布政使聞

命之下感激涕零隨經具詳福建撫臣代

題恭謝

天恩於雍正七年十一月初十日自閩起程於雍正八年二月初二日抵任現將陞司費金吾送到交代冊籍確加查核并將費金吾所交一應地方事件

次第料理外惟是山東山海之區地方遼濶政務
殷繁臣才庸識淺非荷

聖明訓誨指示曷克遵循伏乞

天恩允臣於接受交代清楚之日束裝赴京恭覲

天顏跪聆

聖訓不獨犬馬戀

主之忱得以稍慰於地方民生均有裨益矣為此繕摺
具

奏伏乞

皇上睿鑒批示遵行謹

奏

甫經到任地方事務緊要不必來京

同日又

奏為恭謝

聖訓據實奏明事竊臣前奏恭謝

天恩一摺奉到

硃批臣跪讀之下不勝驚惶戰慄之至伏思臣何人斯
蒙

皇上天恩由知縣歷擢藩司

恩逾常格今又諄切

訓誨至於如此是

聖主猶以臣尚可教誨故不即加嚴譴而使自知警省
改悔心非木石受此

隆恩何敢稍有欺隱臣於上年七月間自漳州赴省路

經泉州府旅邸忽有人持蔡仕舩名帖口稱奉伊
主母之命求臣轉致學臣程元章將伊子未經與
試者准作科舉入場等語臣以事關

大典豈容弊混即經面叱并將所開小單擲還及至
省時見程元章已經卸事調署浙江藩司即日起
程赴任是以將此情由告知并言蔡仕舩現署浙
撫印務即此輾轉央情一事可知其人品不端此
等之人須當留心防範等語今程元章現在不敢

一字涉虛者也臣因其事已將伊家人面叱又經
與程元章說知使其留心防範是以未敢復瀆

宸聰此實臣愚昧昏聩之所致百喙何能辭咎但以臣
為有心畏懼蔡仕朶而故為欺隱則臣犬馬不如
矣今蒙

恩旨訓誨臣從此惟有時刻儆省事無大小苟有見聞
斷不敢一字隱漏伏懇

皇上天恩格外原宥臣生生世世矢圖報效於無既矣

為此據實陳明伏祈

聖鑒謹

奏

似此理屈辭窮之辯何益將蔡仕朏為伊子轉託求情
一事另具奏摺叅來

雍正八年四月十一日山東布政使臣孫國璽謹
奏為奏

聞事竊照東省耗羨歸公從前每正銀一兩加耗一錢

八分於一八之內各州縣扣留公費銀一分又聽
出解費運費部飯庫飯等項名色共銀三分外實
提解耗羨一錢四分又於一四之內分別州縣大
小扣除養廉若干外餘銀解司歸入耗羨項下又
於聽出解費等項銀三分之內除偏僻州縣實支
腳費銀三毫衝繁州縣實支腳費銀三釐三毫外
餘銀另行解司歸入充公項下自上年署撫臣費
金吾將東省公費不照從前一分之例按照直隸

大中小州縣分別衝僻繁簡定數扣支至各州縣起解銀兩亦照豫省之例分別道里遠近支給脚費實屬至公但衝繁州縣仍聽多支銀三釐未經改正似屬遺漏至解費運費部飯庫飯等項名色亦仍另扣各自起解歸入克公項下其餘扣除養廉之外方全作耗羨起解臣思從前衝繁州縣三釐原因公費未分州縣之衝僻俱照一分扣除且脚費未分道里之遠近俱照三毫扣除未免苦樂

不均是以有此三釐之多扣也今養廉公費俱分
別衝僻支給即腳費又照遠近分別扣除則此多
扣三釐實出無名未便聽其影射重複應請嗣後
大中小州縣一例起解至提解耗羨原為地方公
事動支是各州縣正項之外止應有耗羨一款凡
一應解費運費部飯庫飯名色原屬相沿之謬悉
應革除今年欽奉

恩旨蠲免耗羨二分在各州縣徵收一六耗銀除養廉

若干及公費腳費若干外其餘應總為耗羨一款
全數解貯司庫在司中亦不必另立耗羨充公二
項名色除正項外所收耗羨存貯一處凡遇地方
公事應行動支詳報督撫批准支給歲底報銷如
此則款項不繁稽查亦易而上下經胥亦無從舞
弊矣再照部飯等項向在本項內支給庫官庫吏
養廉向在庫飯項下支給今若彙為耗羨一款則
將來部飯等項以及每年庫官庫吏養廉均應在

司庫耗羨項下支給除詳明督撫兩臣外理合具
摺奏

聞謹

奏

類斯等務自應向督撫二臣熟計詳商將爾所奏逐一
請教田文鏡而行可也

同日又

奏為籲懇再寬首報隱匿地畝之限期以廣

皇仁事竊照各省隱匿地畝荷蒙

皇上屢頒

恩旨寬其限期令民自首百姓感激

洪恩陸續首報陞科者所在多有而其間愚民無知尚在因循未經首報者亦或有之今查東省於雍正六年八月初二日奉到部文欽奉

恩旨准其寬限又經撫臣岳濬題請再寬半年之限於七年十月二十六日限滿但臣檢查案卷有首報

原在限內及經司府駁查明白詳覆到日已在限外不便彙入自首案內題報者經前司臣費金吾因其限期已逾批令歸入勸墾案內彙報臣思此等自首隱匿之案現在已逾定限若照例治以隱匿之罪則當其首報之初尚在限內似非我

皇上屢次寬恩之至意若歸入勸墾案內則又俟十年之後方行起科查此地現在成熟豈容以熟作荒轉令起科於十年之後可否仰懇

天恩再寬半年之限准其自首則不但此等首報原在限內以駁查而致違限者得以邀

恩免其治罪即凡有未經首報或因逾限恐罹罪戾而現在觀望因循者亦得陸續首報陞科似於

國計民生均為有益臣不揣冒昧據實具奏伏祈

聖鑒謹

奏

與該督商酌具題請旨

同日又

奏為奏明東省平餘實情仰祈

睿鑒事竊臣於到任後接受陞司費金吾交代冊籍逐一查核除正雜錢糧業經查明出結另具簡明清摺恭呈

御覽外又據費金吾冊開平餘銀二萬五千二百六十兩零一項臣未悉平餘始末隨問費金吾并庫官庫書據云費金吾自雍正六年七月到任起至八

年二月卸事止任內支放過正項耗羨共銀六百九萬三千餘兩共平餘銀三萬兩零除用去銀四千九百餘兩已經費金吾自行奏明外尚存此二萬五千二百六十兩零留充公用又云此項平餘雖無定數每平約有七八錢不等內三錢已經前司臣張保奏明歸入充公項下五錢則係費金吾任內奏明充公之項等語臣查前項平餘並不在向日一八現今一六耗羨之內實係暗令庫官高

下其手每平多含七八錢以符平餘之數在庫官
彈兌時輕則數有不敷重則州縣添搭不足實屬
兩難在州縣則因解司時有此一項平餘是向之
一八者實需一九今之一六者實需一七若多徵
自民則恐上司之提封抽兌効以重耗若實止一
六則此項平餘實無從出伏惟我

皇上軫念民依屢沛如天之恩蠲免動盈數千百萬今
平餘每年不過二萬餘兩若留此名色則州縣徵

收錢糧實難以一六耗羨之數約束遵行倘蒙

皇上天恩將此平餘一項豁除則州縣起解錢糧俱令
按準庫平自行滴珠臣於收兌錢糧時得以督率
庫官毫釐不許多重一應州縣徵收錢糧俱得約
束令其遵奉

恩旨一六徵收如有絲毫重徵嚴加叅劾從重治罪如
此則上下畫一不獨各州縣易於遵守而東省黎
民尤得實被減耗之

殊恩於千萬世矣為此繕摺奏

聞伏祈

睿鑒謹

奏

此事費金吾前經奏過據云與他省之例不同但相沿
既久遽議豁除亦應與督撫二臣商酌而行

雍正十年正月初十日大理寺少卿

臣

孫國璽謹

奏為遵

旨具奏叩懇

天恩事竊臣於雍正四年九月二十八日由河南禹州

知州引

見荷蒙

天語詢臣家世經臣具奏臣有老母年逾七旬面奉

恩旨俟爾母八十爾具摺奏請賞給扁額等因欽此欽

遵臣感激

聖恩寤寐不忘緣臣賦質愚昧歷任以來毫無報效而

且每多錯誤荷蒙

天恩不加譴責屢奉

訓旨教誨諄切雖天地生成父母顧復不足以形容
高厚臣母今年八十若就臣供職無能自揣何敢瀆
奏但念臣母一生苦節冀邀

皇上錫類仁恩今三月十四日臣母八旬壽日臣謹遵
旨具奏叩懇

皇上天恩賞給扁聯俾臣母得荷

寵榮并跪求

聖主格外洪恩照臣現在職銜

頒賜誥封臣母仰邀

皇上洪福將來年歲由此遞增至九十至百歲皆

聖主浩蕩恩波之所賜也伏惟

睿鑒謹

奏

朕初期望於汝之心實惟

天鑒豈料汝如是負朕深恩也今日不但汝母扁額無須
啓齒汝若不痛自悛改仍循潔已沽譽欺朦隱飾轍迹
身家性命目前難保累及汝母尚在未定具何心膽面
皮輒敢冒請封典耶觀汝此奏甚屬妄誕可惡之至慎
之

雍正十年四月二十五日辦理河東副總河事大
理寺少卿臣孫國璽謹

奏為恭繳

硃批叩謝

聖訓事雍正十年二月十五日臣齋摺家人回浙恭捧

到臣前奏遵

旨具奏叩懇

天恩一摺奉有

硃批又於二月二十五日浙江總督臣李衛在京寄信

內開欽奉

上諭一道申飭到臣臣跪讀

聖訓不禁感激涕零惶悚汗下無地自容伏念臣質本
愚昧知識短淺屢蒙

皇上擢用之恩並蒙

天心屬望之切臣何人斯得邀

天恩高厚一至於此雖生生世世永矢捐糜末由仰報
乃歷任以來既以供職無能毫無報稱今因臣母
苦節歷蒙

聖主格外洪恩有加無已臣復不自揣量於遵

旨具奏之時並懇

賞給誥封冒昧之罪萬死奚辭荷蒙

硃批訓勉又傳

諭旨嚴加申飭仰見

天恩終始垂慈提撕警覺至再至三臣心非木石愧悔
之餘感激倍切惟有凜遵

聖訓痛自改過凡事務竭駑駘實心實力恪供厥職以

期圖報

天恩於萬一所有奉到

硃批理合恭繳叩謝

聖訓伏乞

睿鑒為此謹

奏

朕實不解汝等漢軍是何風習大抵人人言行不符心口互異求如田文鏡者百中不得一二似汝此奏朕殊難以見信也

雍正十年十月初七日協辦河東總督事務河東

副總河大理寺少卿臣孫國璽謹

奏為恭謝

天恩事雍正十年十月初四日准河東總督田文鏡咨

准吏部咨雍正十年九月二十三日內閣奉

上諭據河東總督田文鏡奏稱臣於今年四月患病至

六月方得稍痊八月間勉力入場監臨今已出榜現

在加意調養無如氣血一時難以復原轉瞬武闡即

屈以一人而兼監臨主考自揣微軀恐不能力疾辦事仰祈恩准解任調治俟春融由水路進京查副總河孫國璽在豫半年小心勤慎堪以暫署河南巡撫印務等語田文鏡老成練達奉國公忠河東兩省地方緊要正資料理著在任調攝不必懇請解退但總督職任事務繁多如考試武闈等事皆須年力精壯之人方能辦理孫國璽著以副總河協助田文鏡辦理總督事務凡似此監場等事著田文鏡委用代理

欽此等因到臣隨恭設香案望

闕叩頭謝

恩訖伏念臣庸愚陋質知識短淺屢蒙

皇上不次擢用畀以河東副總河之任半載以來毫無
報效日切悚惶茲復奉

綸音命臣協助河東督臣田文鏡辦理總督事務旋又
欽奉

恩旨酌分養廉銀兩期於敷用

皇仁優渥下恤臣工脩極周摯臣跪誦之際感激涕零
捫心自揣報稱實難惟有勉效駑駘凡事無鉅細
均聽督臣教導指示如有委用殫心竭慮敬謹辦
理不敢稍有怠忽以期仰報

高厚於萬一所有微臣感激蟻忱理合繕摺

奏謝伏乞

聖鑒謹

奏

但效法田文鏡之居心辦事能一分受一分福不能一分罹一分害似汝等輩事事因循人人瞻顧圖邀一時虛譽縱使中外交稱而所謂益者何在若執迷不改將來禍必不測類此下愚不移屢經訓誡而置若罔聞終至身家性命喪失者不一其人汝豈全無聞見乎如田文鏡毫不阿徇回護但知秉公持正盡心體國雖招衆怨謗言盈耳而宦蹟優隆榮祿自若汝試思之益耶害耶當如醉醒夢覺洗滌肺腸竭力以效法之倘再狐疑

觀望可惜虛負朕一番期望之恩且國家三尺法朕亦不得頻頻私貸於汝也勉為之慎為之將此諭併令田文鏡知之

雍正十年十一月初八日協辦河東總督事務河東副總河大理寺少卿臣孫國璽謹

奏為封疆責任綦重伏懇

聖主簡任賢能以免貽誤事竊臣前蒙

皇上天恩因河東督臣田文鏡患病未痊陳請解退

命臣協助辦理臣准督臣委令代典武闈承審命盜各案並日行事件悉皆協同竭蹶辦理今於雍正十年十一月初八日又准督臣田文鏡以病勢沉重不能視事委員齎送河東總督印信並

王命旗牌書吏文卷等項移交到臣臣因先奉有協辦之

諭旨是以暫為接管臣任事一日則盡一日之職分斷不敢絲毫瞻顧將就推諉自干罪愆以上負

聖心下辜督臣田文鏡委任之意惟是封疆責任重大
臣知識短淺未能勝任伏乞

皇上迅賜簡任賢能以免貽誤則仰戴

高厚當銜結於生生世世矣除將接管印信日期另疏
題報外理合繕摺

奏請伏祈

皇上睿鑒施行謹

奏

覽奏知道了姑竭力勉為之

雍正十年十一月二十四日署理河南巡撫事務

大理寺少卿

臣孫國璽謹

奏為恭謝

天恩懇請

陞見仰承

聖訓事雍正十年十一月二十三日准吏部咨開奉

諭旨河南巡撫關防著齎發副總河孫國璽令署理巡

撫事務欽此等因到臣臣隨恭設香案望

闕叩頭恭謝

天恩訖除接到巡撫關防另疏

題謝外伏念河南居天下之中巡撫膺封疆之重督

臣之章程具在而遵循恪守奉行不可不謹微臣
之耳目難周而察吏安民稽查不可不力況以臣
之駑鈍臣之愚魯事無鉅細必求

皇上訓誨指示欽奉遵行庶免隕越仰請

皇上容臣乘封印後減從馳赴

闕廷叩請

聖安跪聆

聖訓則不獨稍慰微臣犬馬戀

主之私而全豫官民莫不感戴

皇上造就隆恩於無既矣謹繕摺恭

奏伏乞

恩允訓示遵行再查河南巡撫養廉經督臣田文鏡奏

明在案因前奉

諭旨令酌分數千金與臣其餘仍留為督臣用度是以
自十月起其裁減銀兩尚未歸公今督臣已故應
照前奏每年巡撫養廉二萬兩永為定額其餘八
千九百餘兩臣即飭司歸公以備地方之用合併
陳明為此謹

奏

今河東既添設總督此養廉一事俟王士俊到豫後商

酌妥協另行奏請

雍正十一年正月三十日署理河南巡撫事務大

理寺少卿臣孫國璽謹

奏為恭報雨雪日期仰祈

睿鑒事竊查豫省今歲正月內自初二以至十三日各屬得過瑞雪數寸經臣具摺奏

聞并將現在設壇祈雨率屬晨夕步禱緣由奏明嗣據得雨州縣陸續申報如歸德府屬之商邱寧陵夏

邑永城柘城南陽府屬之南陽泌陽鎮平鄧州內
鄉裕州舞陽葉縣汝寧府屬之汝陽上蔡確山正
陽新蔡信陽羅山陳州并所屬之商水項城沈邱
許州所屬之臨潁鄆城光州所屬之息縣等處於
十四十五十七十九二十等日得雨自八寸以至
二三寸不等又開封府屬之杞縣太康中牟歸德
府屬之寧陵鹿邑虞城睢州考城柘城彰德府屬
之安陽臨漳武安陳州并所屬之西華鄭州所屬

之汜水等處於二十四五六等日得雨自七寸以
至二三寸不等二十七日臣又會同督臣王士俊
另行薰壇竭誠祈禱即於是日申時降雪繽紛稠
密至二十八日辰刻始住據祥符縣申報入土三
寸有零四野積雪一尺二三寸不等并據開封府
屬之陳留杞縣通許尉氏洧川鄆陵扶溝陽武封
邱蘭陽儀封歸德府屬之睢州彰德府屬之安陽
湯陰衛輝府屬之汲縣淇縣延津滑縣濬縣懷慶

府屬之原武許州禹州所屬之密縣新鄭鄭州并
全屬先後申報俱於二十七八兩日各得瑞雪自
二尺一尺五寸一尺二寸并一尺及八寸五六寸
不等臣觀是日雲氣甚厚得雪必廣除距省稍遠
各州縣得雪尺寸俟報到另摺恭

奏外所有十四日起至二十八日止得過雨雪緣由
合先具摺奏

聞謹

奏

可謂大奇王士俊甫經到豫即有瑞雪薄降似此應驗
昭然若仍不知慚懼則誠非人類矣

雍正十一年二月初六日署理河南巡撫事務大
理寺少卿臣孫國璽謹

奏為恭摺續報雨雪日期仰祈

睿鑒事竊查豫省今歲正月內自十四日起至二十八
日止各屬得過雨雪尺寸經臣於三十日具摺奏

聞并聲明距省稍遠各州縣俟報到另摺恭

奏嗣據開封府屬之太康中牟歸德府屬之商邱寧
陵永城鹿邑虞城夏邑考城柘城彰德府屬之臨
漳林縣武安涉縣內黃衛輝府屬之新鄉輝縣獲
嘉懷慶府屬之修武武陟溫縣濟源孟縣河南府
屬之洛陽偃師鞏縣孟津宜陽登封新安澠池嵩
縣永寧南陽府屬之南陽唐縣鎮平新野裕州舞
陽葉縣汝寧府屬之西平陳州并所屬之西華商

水許州全屬禹州陝州并全屬汝州并全屬等處
陸續申報俱於正月二十七八兩日各得瑞雪自
一尺以至三四寸不等其續報得雨州縣如歸德
府屬之商邱夏邑彰德府屬之涉縣河南府屬之
嵩縣汝寧府屬之上蔡南陽府屬之唐縣鄧州浙
川許州所屬之郾城陝州所屬之閿鄉光州所屬
之商城於正月二十四五六等日各得雨一二三
四寸不等臣復差員查察并據各屬稟報咸稱雨

雪及時未耕之田可以翻犁播種現在之麥藉以
滋潤長茂民心歡悅預慶豐收臣又因青黃不接
之時恐百姓艱於謀食隨分飭司道轉行各屬查
明將社倉穀石照例出借一面動撥常平倉儲減
價發糶務期民食充足安居樂業以慰
聖懷所有續報得過雨雪緣由理合具摺奏

聞謹

奏

前諭甚明汝薄福小才也當極加警勉將朕兩次所批之旨皆令王士俊知之

雍正十一年二月十九日署理河南巡撫事務大理寺少卿臣孫國璽謹

奏為恭報得雨日期仰祈

睿鑒事竊查豫省今歲正月內得過雨雪尺寸經臣先後具摺奏

聞嗣據開封歸德衛輝河南南陽汝寧等六府汝陳許

禹鄭等五州所屬州縣陸續申報俱於二月初五
初十及十一十二十四十五等日各得雨露足其
彰德府屬之安陽湯陰臨漳武安懷慶府屬之武
陟濟源孟縣原武陟州并所屬之閭鄉俱於二月
初五初十及十四十五等日各得雨八寸六寸及
二三寸不等臣復差員四路查勘并據各屬稟報
咸稱屢經時雨沾濡二麥俱已青葱長茂未種之
地亦皆翻犁種植秋禾現在糧價平減農民安堵

樂業除距省稍遠州縣容俟查報到日另

奏外所有二月內各屬得雨情形合先具摺奏

聞伏乞

皇上睿鑒謹

奏

以手加額覽焉

雍正十一年三月二十五日河東總督臣王士俊

署理河南巡撫事務大理寺少卿臣孫國璽謹

奏為奏

聞事竊照豫省收貯捐納等項穀石其倉廩不敷存貯者屢經前督臣田文鏡

奏明動用河北捐納公費項下每間給銀十五兩陸續分發各州縣添建在案今據布政使司承祖詳稱開封歸德河南等府及禹鄭等州之屬縣俱有報捐穀石多少不等除舊有之倉廩盡數存貯無庸添建者不議外尚有不敷收貯捐穀之處如開

封府及所屬之祥符陳留蘭陽三縣歸德府屬之
商邱寧陵虞城考城柘城五縣河南府屬之偃師
鞏縣孟津宜陽登封五縣禹州屬之密縣鄭州屬
之滎澤滎陽河陰汜水四縣共需添建正餘倉廩
五百四十八間請照原議每間給銀十五兩共應
給銀八千二百二十兩俱於前項公費現存司庫
銀六萬一千七百五十六兩之內動支給發建造
臣等不時稽察務令上緊建造完固以資儲蓄理

合奏

聞謹

奏

好倉廩完固方於積貯有益也

雍正十一年四月二十四日署理河南巡撫事務

大理寺少卿臣孫國璽謹

奏為恭報接運楚米過豫數目日期仰祈

睿鑒事案照雍正十年十二月接准部咨撥運湖廣米

十萬石赴陝備貯其經過豫省地方所需船隻并挑濬河道等項令臣會同湖廣督臣撫臣及陝西撫臣詳悉定議等因臣遵即會同酌議妥協委員上緊辦理並經奏

聞在案嗣於雍正十一年四月初二日准陝西撫臣史貽直咨稱楚糧運足四萬五千石之數其餘暫行停止俟七八月間再為酌運等因又經咨明楚省撫臣并轉飭委員遵照在案茲據文武各委員具

報自三月初四日接運過第一運頭幫船起至三月二十二日第一運六幫船止共米二萬二千五百石均各交送出境訖又於四月初一日接運過第二運頭幫船起至四月初十日第二運三幫船止共米一萬二千石均各交送出境訖通共接運過米三萬四千五百石現在文武員弁協同催趲源源接運陝省所需米四萬五千石之數指日即可運足除俟運齊另行具

奏外所有接運過楚米數目日期理合先行奏

聞以慰

聖懷謹

奏

接運迅速甚好

雍正十一年七月初九日河東總督臣王士俊署

理河南巡撫事務左副都御史臣孫國璽謹

奏為據實奏

聞仰祈

睿鑒事竊照南陽府署泌陽縣知縣顧師仁因前署遂平縣任內雍正八年分未銷鹽引八分以上部議革職奉

旨依議欽此准兩淮鹽政臣高斌移咨到臣當經轉飭遵照離任去後茲據布按二司會詳據知府程秉禮詳稱該員操守廉潔居官勤慎年力精壯辦事明敏洵屬難得之員請仍留泌陽試用臣等會查

得顧師仁先因署遂平縣任內濫應革職知縣孟
光國車輛口糧一案部議降一級調用奉

旨顧師仁著詢問該撫如係才具可用之員著奏聞仍
留本省酌量委用欽此又因署遂平縣任內雍正四
年分未銷鹽引一案部議革職奉

旨顧師仁前因濫應車輛已降諭旨將伊居官如何之
處詢問該撫此案俟回奏到日一併降旨欽此經前
督臣田文鏡以該員才具明敏實心任事具奏奉

有

諭旨仍留豫省酌量委用欽遵在案今又因遂平任內
雍正八年分鹽引未銷革職據司府各官詳請具
題留用臣等查顧師仁年力富強辦事勤敏今以未
銷鹽引革職尚屬因公墾悞臣等為地方得人起
見理合據實奏

聞倘蒙

皇上格外天恩將顧師仁仍留泌陽試用則該員感激

皇仁自必倍加奮勵以圖報效伏祈

睿鑒謹

奏

有旨諭部矣

雍正十一年九月十三日暫署蘇州巡撫印務左

副都御史臣孫國璽謹

奏為恭謝

天恩事竊臣奉

命暫行署理蘇州巡撫印務於雍正十一年九月初九
日至駐劄衙門望

闕叩頭謝

恩開印視事訖伏念臣質本庸愚知識短淺歷蒙

皇上天恩不次擢用毫無報效悚惕日深茲又欽奉

恩旨暫行署理蘇州巡撫印務伏念江蘇地方幅員遼
濶事務繁劇臣何人斯仰蒙

聖恩高厚復膺封疆重任撫躬自問尤切悚惶臣惟有

將地方吏治民生事宜逐一確加諮訪次第辦理
務期勉竭駑駘實心實力恪供厥職以期仰報


洪恩於萬一所有臣感激下忱理合具摺恭謝

天恩謹

奏

江蘇繁劇料汝實弗勝任前因喬世臣之去留未定故
命暫理數時今已確知喬世臣不及不令旋任矣另旨
命高其倬前來攝署即日可到汝交代後來京候朕徐

加訓誨



硃批諭旨卷一百三十七